

喬氏宗譜

五子

卷二



高氏族譜卷之一

目錄

交州公孫息壤收復二京疏

又奏請大理宗行三年喪疏

祭許平公文

兵科給事中楊漣請師疏

廣其昌祠建三公題贊

丁憂題

先朝事錄書點府

伯生公傳略

戰命二道

諸命二軸

寺觀公上奏疏及原山道



喬氏宗譜卷之二

凡例

- 一 吾家向藏舊譜一帙乃始祖清逸公者知爲水心公所撰無疑及觀海上支譜乃祖太尉而否清逸溯其所自有莫得而詳者茲就二編叅校合一于是始成全璧且踵先君子之志云耳
- 一 世表先名諱次字號官爵而後及其生卒年月葬某地配某氏子某女某婦父某遷某一註明復標明世數庶犁然不紊

- 一 世系爲譜所重五世一班本歐公法也茲編兼叅龍門年表世系法修之




縱則子父相承橫則兄弟均及俾使閱者尊卑別長幼序一展卷而眉目自涇渭也

廟

聖祖諱以及有關妨犯者均宜悉心謹避已故無譜者勿論現在者當悉令改正其宗族尊長名諱概難盡避者亦宜斟酌圓通審用

一 鄉里尙齒世表中年五十以上者書享年五十以內者書存年十五以下書殤字別修短也六十以上書享壽志德徵也至壽翁壽母蒙




恩賚粟與帛者須載明世表中庶不忘

朝廷養老深仁諄諄美意

一 世表中有官爵者先註明本身官爵復以子孫曾某貴贈某官某爵一一書明以彰顯揚之美


一 夫婦爲人倫之始王化之原名分不可不肅凡書正室曰配尊嫡也繼室曰繼配廣嗣也再醮者譜削其名示別也書生卒年月昭禮記也書年壽葬地分葬祔葬核其終也其原繼配及側室所生子女各人後分別註明別嫌明微也至不幸而夫亡矢志守節者書守節二字重貞操也子女均書著似續也書女之夫婦之父睦姻好也不知者闕如書失考二字示徵



信也

一 無子者以兄弟之子爲後血脉仍自貫通卽於兄弟名下書明某幾子嗣某人後更註明兄弟幾子某人嗣理宜昭穆相當親疎不紊有兼嗣者亦必註明其本宗出繼他姓者註明某人出繼某姓某里倘日後本宗無傳乃可兼嗣二姓以延一脉至異姓入繼撫養他姓子女及隨母外來以亂宗祧者家訓上言之詳矣茲不復及


一 表係五世一至五爲一班六至十爲二班以次遞加萬世無窮此定例也茲譜五世則祖述歐遷而別爲承五接六之法以清眉目而省繙閱如五而又五十而及十之類是也



一 表中有年可紀而無生卒歲月者必書生卒失考四字蓋有生卒而後有年壽未有有年壽而可無生卒者有則必書無則不及也

一 有子而失考其母者必書配氏以實之蓋無母何以有子有子而無母可乎茲則弟隨配氏分別中空以符體例

一 墳塋計巔不計穴計壙不計棺如所知而易見者書明男婦昭穆人穴若干或一人止一穴及一壙數棺者均作一巔而書一穴更於後頁標明一穴二穴三穴之類蓋以墳之新者尙可指數而舊者難以分晰故也日後如得攷據證佐確鑿地隣圖保四應分明者亦當隨時添註填補以昭徵信而慎首邱




香 邑 卷 三
一 世傳自彥衡公而下有作者有述者有自襍記節錄者有從志乘移補者
善善從長有美畢錄豈族中錚錚者而可忍令湮沒乎其自公以上悉仍
舊作不敢妄爲增損也

一 墳塋舊無圖而註簡略如葬某地某方某人葬某尊卑昭穆分合多寡悉
未及也茲則府縣圖保橋梁卹舍號畝池沼向方道里一一綜繪圖像分
晰詳明而以區圖號畝爲主蓋號畝今古相承業主世守聞見較確訪問
亦易非若橋梁卹舍道路池沼之易於變遷湮廢也

一 墳塋以世次尊卑爲序不以葬之新舊分後先其輩長而葬遲者理宜首

標卑幼雖葬前者概從後列至穴中諱號不嫌連類比書便閱且易檢也

先格識





喬氏宗譜卷之二


世範

三十九世孫承華撰

四十一世孫英魁輯錄

四十八世孫徵銜續輯


一 凡立墳塋須爲久遠計無泥世俗風水之說致久暴露擇地以司馬公土厚水深及程子五患之說爲主治葬家禮自有儀節力能盡者惟堅築灰隔爲要誌銘一事古人爲陵谷變遷之慮深矣必請于所親厚而有文行者或如家禮略敘始末刻之不必假借聲勢眩人耳目墳塋以時修葺不



得互相推諉每春秋祭掃先三日預芟草增土整廬培木不得虛應故事
子孫過墓門不得策馬乘輿雖夜半必下

一 古人冠禮久廢惟婚喪禮尙行然亦多雜時俗協古禮者僅十一爾當悉
循儀則不得踰越擇婦雖于名門舊族清白之家則婦亦能執禮于舅姑
若徒取門閥驕奢縱肆何所不至適爲敗亡之媒也嫁女毋得幼小受聘
笄時擇賢子弟妻之亦須考求家世非積善之家不可嫁娶之儀悉遵家
禮稱家有無貧者親族給之富者雖稍從厚亦不得爭爲靡麗以開子女
奢侈之端又不得論財多寡以蹈卑鄙之習

一 喪禮以哀痛爲本自有家禮可遵富厚者毋得過制貧乏者減省行之不



得久殯在家及用火葬無力置墳合族之豐足者出地給貲以葬之至于
迎喪雜劇等繁文最爲惡薄風俗我子孫雖富亦勿許用若親喪而用聲
伎期功而衣紫緋尤爲不孝之大者亟宜痛戒

一 祭禮古土庶祭先祖月朔薦新時祭用仲月冬至祭始祖立春祭先祖季
秋祭禴忌日遷主祭于正寢今俗時祭則用盂誦家禮二分二至月朔薦
新則用常節古不祭于墓今則清明十月朔祭于墓至其祭始祖祭先祖
祭禴祭忌則一循古制儀節悉遵家禮行之事必先期預備至日必夙興
陳設中饋必主婦躬親祭品必精潔祭服必鮮明務致慤以交神

一 禮支子不祭程子謂支子雖不祭或以身執事或以物助其誠意則與宗

喬氏宗譜
子無異如立宗子當從此義否則徒欲廢祭以長其惰慢之心不若使之祭猶愈于已也况今宗法久廢家自有祠人亦各欲自盡時制亦許三代酌古準今一以家禮儀節爲主但于喪祭時俱不用僧道異端以同流俗平時亦不許用師巫淫祀不但可以正家正俗亦自省費擾至于女巫尼媪之類蹤跡入內最易肇釁尤宜痛絕

一
祭之明日必燕會族之老幼是日不舉樂不設雜伎不得喧嘩戲藝須盡一日之歡其平時則宗族會合物不過三品酒不過數行不但主者易辨而宗族亦得常會聚矣其于異姓之燕在吉凶禮者擇日豐潔必誠必信毋失禮毋惰容其于往來款洽之燕必須誠信精潔但不可作長夜飲以起奸盜之端又不可頻嗜飲以犯荒酒之戒

一 禮云君子將營宮室先立祠堂于正寢之東吾父大登公篤志于斯乃于
立家之始以宅之東南創爲祠堂其規模間架悉倣家禮亦協諸義矣後
世子孫其尙敬之哉念之哉


一 祖宗名諱譜牒未成難以稽考或有犯者已無及矣旣成之後凡欲立名
者須檢勘譜系毋得重犯名諱

一 吾族世守畊讀又業醫術凡吾子孫先教之讀書倘資稟凡庸不能有成
則令之業醫或令力田務本庶不墜先緒以延門祚誓不許爲僕隸優伶
亦不許爲僧道吏胥有犯者會族衆痛戒逐出待其自新方齒于族其有

不孝不悌不仁不義及學習非爲賭博者盜竊者酗酒爭鬪者刁詰好訟者暴橫鄉里合族擯之終身不齒

一 凡吾族有孝子順孫義夫節婦行能卓異有關彝倫者倘貧乏則合族之富者給衣食豐養之爲士大夫者達之當道奏聞旌表或有阻格必爲覈實明著請文名公以永其傳

一 先業旣分之後各宜保守或因死喪役訟水火盜賊意外墮落以致不給者助之有不立者植之務使骨肉諧和毋得聚訟以傷和氣至有喜則慶有憂則吊有外侮則共相扶持雖無服親盡之人自同一體毋得如途人泛視并生幸灾樂禍之心倘以尊凌卑以下犯上以強凌弱欺孤虐寡者



會族衆共聲其罪


- 一 叔侄之間名分攸繫侄年長雖富貴雖賢不得自挾以傲上叔雖年幼雖貧窶雖愚不得自卑以取容凡會坐必肅必敬不得嬉笑非禮遇于道必進揖拱立以伺其過其尊長亦宜以禮自檢爲卑幼所法或有假公濟私以卑幼不遜爲辭輒起訟端意在侵奪者會族衆于家廟前共以義正之
- 一 男勤畊讀婦勤女紅須至夜分黎明卽起若晏安怠惰終非自植之道其服用衣食但不令饑寒不使污穢足矣毋得過爲珍羞綺麗以糜財用且非保家永久之計也

- 一 內言不出外言不入所以別嫌微杜非辟也今凡家人男子十歲以上者

喬氏宗譜
不得入內女子八歲以上者不得出外其于婚喪燕會時宜燃大炬于庭
中以防混雜平時門禁尤必嚴鎖鑰以時出入

一 無子立後須昭穆相應者與之繼嗣否則聽其立愛如律文所云倘在死
後而議立者則必由親而疎以昭穆相應之人及子母年歲相當如例者
立之母得爲他說以起爭端凡一應入繼異姓螟蛉他子以亂宗祧者會
族衆共斥出之別立應嗣之人

一 婦人之行不出閨門凡爲喬氏之婦者決不得干預外政其有夫亡外適
者譜削其名女子毋得入學讀書吟詩作賦




一 子弟于童蒙時須擇端謹師傅導之以禮使正言格論日聞于耳以養其
心既長則因材成就之務學者必須求爲通儒以致用

一 先正云交遊不必多三四人便足了吾一生事多則招怨取侮信哉斯言
也凡吾族子孫于論交之始必須慎擇端人正士爲終身之益否則閉戶
讀書毋與人競長短較曲直以致怨尤

一 吾鄉別無他利惟以畊織爲常業當置腴田數十畝爲恆業非大故不得
輕廢亦不得濫置

一 族中力有可辦者各出田二三畝立爲吾族義塚凡遇族內無力塋葬者




隨時量給灰土以免暴露及火化之慘

以上規約二十條為從世祖評事公所著誠足敦飭合族訓誡後人

而其中訓示尙未盡宣爰更酌撰數條于後以為子孫法焉

四十八世孫徵銜謹誌



一 吾族宗祠世祖大登公建立于上海者規模盡善然吾祖以下一支既居松郡城亦當立廟子孫有力者須于正寢之東設立一祠以繼吾志是所厚望

一 松城祠式居中一間堂下設東西兩廊堂中供位第由吾祖葆堂公上下推之如始祖太尉公至吾考文墀公凡四十七世其間附以同曾祖伯祖安愚栒野公伯父鷺洲申甫綏堂公神位祭祀以二八月爲期儀節悉遵家禮行之

一 祭主自吾子孫以下立宗子宗孫庶出雖長不許爲祭主惟使陪祭視行輩長幼分別執事祭祠日嫡庶均當齊集有不到者族衆共責之

一 君子四十無子始娶妾凡吾子孫年未四十無子者不許娶妾永不許立妾爲正室倘有子納妾及娶妓女者合族衆斥出其妾至妓女門風必爲所敗壞尤宜戒之絕之


一 松城祠中永不許有妾主混入以亂嫡庶倘節烈孝養有關倫紀者不可以一例論許附主于主母之傍配祀其餘妾主無論有出無出只置于門外兩廊祭之並不許生時砌生壙及死後于神主外另立神位凡吾子孫違此規約者作不孝祭主合族衆于祠中重責出族

一 正出嫡子不許祭祖與父妾之生日忌日只許聽其所出之子私祭供神

像亦不許以妾位併供另供則聽之

一 父妾正出子婦只許與之行常禮不許下拜是非過爲嚴刻特恐整飭之難耳至于祖妾其時年已隣暮或可無意外之事則不妨一拜及之然亦視其人當尊與否酌而行之

一 吾族向無義田每見貧族妄爲心實恥之但吾力不自贍奚遑他顧凡吾子孫倘能食祿于朝或盈餘克立須急積廉俸餘貲創置義田若干畝分立規條刻石立于祠中每年取租稅之餘分給貧族若范文正公之流澤後人豈不美哉



一 吾喬氏自漢季太尉公至 本朝中丞公及吾曾祖鷗邨公先大父葆堂
顯考文墀公凡四十七世綿延一千五百餘年其間文武忠孝弈世傳家
歷歷見諸史冊者不可悉數惟字輩一節缺而勿傳然支繁族盛何可忽
焉爰撰敬承祖業善武崇文克昌厥後以衍家聲十六字爲行輩次序凡
吾子孫須遵此立名倘有力修譜續撰字輩以傳永久

一 吾族支繁大江南北不下數百餘支甚難稽考此譜特就先人手澤舊譜
增而續之爲吾一支所系計成四卷彙而訂之以俟後人有力者刻之庶
幾明吾宗之所自來也

徵 銜 識


喬氏宗譜卷之二

家則

澧溪五十世孫先格續撰

評事公所撰族訓及少墀叔祖續輯者誠爲曉暢周詳其于倫理綱常甚
有關繫第俗尙嗜好不同趨向後先或異爰忘其謏陋而復增數款於後
庶補先所未及云

一 祖宗墳塋當時時瞻省整理不得視爲故塚荒邱凡遇清明佳節亦必焚
化楮幣非好徇俗尙也餼羊時供告朔之禮斯在否則漫不加察畊犁及
之矣



喬氏宗譜
一 墳塋日久年深已成平陸者宜於冬至清明時勤簣覆其榛莽葦荻之屬亦宜隨時翦伐若夫水冲沙嚙狐搯狐埋崩損廢壞者尤當移遷高原或以時填塞

一 門祚昌大德字開宗知命樂天莫如畊讀家有數畝克儉克勤自奉待人皆堪取給若子弟之材可遠到者宜博訪名師善爲磨琢先尙器識不重浮文庶他日忠君愛國顯親揚名爲宗族之光也

一 吾邑自道光壬寅通商以來鴉片弛禁煙館日繁忘其毒而食之每易染癮爲賊爲盜於是濫觴喪身辱先莫此爲甚我子弟有犯者必責責而不

悛者屏之至若雪茄香煙板煙等類亦宜一概禁絕違者必懲

一 服之不衷古人所戒布衣耐久抑且惜福吾鄉密邇租界以紅紫怪異爲新奇習俗移人賢者不免須時時爲子弟開導庶不惑於靡俗至若窄袖密鈕革履皮冠尤爲惡習有效此者焚之裂之又圍巾（紆迴頸上者）形如虺蜴飯單（覆於胸前以避垢污者）類同奴婢雖時俗所尙我家婦女亦不許用

一 呼盧喝雉無賴之尤敗產傾家於是乎在國法所必禁亦家法所不容凡我子弟有犯賭博者小則罰跪家廟大則嚴加懲責尙共戒諸

一 酒以合歡原所不禁然亦不可過飲昔浦江鄭氏子弟年未三十者酒不

沾唇興念前型允宜矜式蓋沉酗號呶最爲失儀不可不戒也婦女尤不許共飲惟年過五十者姑從其便

一 淫書淫畫不許購藏借閱以啓邪淫之漸有則亟應焚燬以絕禍本（如

我昔日所焚玉蜻蜓紅樓夢醉蒲團倭袍三笑西廂等類）蓋子弟情慾


已開識力未定不見書畫猶恐易觸邪緣况朝夕展玩引其情竇將有精

氣消磨年壽短促疾病連綿喪身乏嗣者是宜痛戒也至天文圖讖幻符

秘記 國有明型亦宜戒絕庶免自取罪戾

一 委棄子女是人間第一惡孽逆天悖理等於梟獍虎狼殺人者死 國有

常刑陽律雖或倖免陰譴必不能逃讀書有識之家斷不爲此鄉里有犯



者時爲勸戒亦行善之道也

一 婦女入廟燒香有干例禁子弟無故闖行亦違訓示凡爲家長者自宜修身齊家嚴閑內外三姑六婆左道諸色人等足跡不許入門至浮屠佛事緇衣道場皆無益之舉讀書明理之家勿以從俗藉口可也


一 風水爲慎終所不能廢醫學爲疾病所不能免地師醫士往來在所不禁惟不可輕信而悞用餘若巫覡星相以及捉牙虫看水碗占家宅等人皆係猜測影響詭騙財物之流一切擯斥不許入門方爲我家賢子弟

一 鰥寡孤獨廢疾病癘皆天民之窮而無告者雖在途人猶將憫惻況同宗乎族中有此宜量力周濟不可漠視

喬氏宗譜
一 臧獲婢妾亦他人父母之子女也不可虐待當遵考亭莊蒞慈畜之訓其人亦以老成忠信樸誠爲尙俊美姣好非所取也

一 婢僕勿取俊美傭雇勿用少小如不得已而用之宜取老成忠厚誠樸年在四十以上者若年輕姣好恐啓奸邪淫亂之嫌閑家者不可不防微杜漸而深慮之也


一 放生戒殺可召天和聞聲遠庖是爲仁術若牛若犬有功於人殺者有干陽憲食者豈無陰刑我家自祖曾而下閤家戒食凡吾子孫當恪遵先訓至蝸飛蠕動之屬同生兩間俱宜憫恤亦免災消眚之法也



一 水火爲人家日用所必需爲功甚巨肇禍亦易孩提之童毋使狎玩廚房燈火尤宜小心雖曰天災人事不可不盡也至若洋火洋油等類亦以不用爲是

一 義田義倉義塾義塚俱古今第一美事讀范文正傳心竊慕之無力則存此心有力卽行其事以視補路修橋其功尤爲切近也

一 建祠鑄譜雖非易事然力足爲此卽宜首舉木有本而水有源尊祖敬宗此其要義也



一 婦女不許入廠做工蓋以絲紗二廠男女謔浪笑傲油頭粉面朝出暮歸
爲奸盜之囫媒淫邪之徑路也凡爲父兄者心志宜堅不聽其去又當時
時誥誠總以在家勤習女工紡織爲本違者斥責

一 婦女不許入校讀書夫以嬉戲玩弄暴寒作輟之新法心志未定知識漸
移之成年不先之禮義從德刺繡織絛而使之出入無忌男女無嫌淪於
禽獸之途優入蠻貊之鄉吾不知爲父兄者何以見異思遷喜新厭故爲
也吾寧使人嗤爲陳腐不願婦女漸染新奇其尙慎旃念之

重建家廟記

先將軍一琦公祠舊在里中本族九十號爲明 熹宗 敕建歲時遣官致祭

未幾 懷宗殉國 清帝龍興 高宗純皇帝憫公忠義 賜諡忠烈迨 乾

嘉時棟欂櫨壞瓦碎垣頽僅存畫門獅石而已弱冠時卽起敬恭仰止之思屢

欲移建葺治幾經赭寇粵匪未遑也癸亥紀元 長兒謀建里東澳浦之陽祖墓

右方爲廳五楹廂二前門五後堂一凡二埭一堂計十三楹始癸亥某月踰年


乙丑歲事顏其堂曰本始寓報本反始之意以祀 公及始祖太尉玄公閒公

以下雖間架狹隘規模略具凡前之楹角畫石新舊不貳後之砌尊簋豆今古

咸宜內聖砂町外繚牆垣前列饗堂後居神座經營擘畫條理井秩偉乎難矣

顧數百年禋祀不斂之宗祏五十載報享未遂之苦心一旦經 兒 球度版築有

志竟成詎非祖宗靈爽有憑實亦由 兒 紹述之願素宏也更願後人常以尊祖




敬宗爲念首先宗廟春禴秋嘗是急時親孝享永伸罔極用答高深必誠必敬
勿怠勿忘是余父子所厚望也夫

皆


癸亥紀元長至之吉

二十世孫先格記




祠祀規例瑣言

我家之譜有新舊二編祖太尉公之喬有木爲海上少持叔祖家藏舊譜本不知作於何時祖閒公者去木爲我家啓仁公所編新譜撰於明季維湖太尉公歷漢晉唐宋七朝傳世止三十而閒公自明迄今亦世有二十三揆其年代世次必有疎脫罣漏殊難徵信茲擬以太尉公起斷以三十世而止不復下連錄備參考所以存其舊卽以三十一世新譜所祖近而可證之閒公爲始祖第二以下三四五六蟬聯繩繼庶一編二祖新舊並存舊者不遺新者從實而可徵信矣故祠制大剛亦本此意其班級位次本支傍族附祀配饗昭穆親疎尊卑倫彝諸端未識一一能合於禮安乎饗而妥我祖若宗之禋祀得鑒小子誠悃無知以來格享是所以報數百年高厚鴻慈之大德亦以伸我幾十載永懷罔極心志矣謹爲條具祠祀節目約規如下以俟知禮者進而教正之爲幸



耳

- 一 祠之位次以最古之漢太尉橋玄公爲始祖第一至三十世而止一班九主從簡也而卽以三十一世起近而可證之閒公復接爲始祖第二列二班其以本支以下繩接蟬繼列於中座以 先將軍一琦公特位東室而賓公以下傍支昭穆少長統具於版不立木主則居西室附祀者亦及也
- 一 先將軍一琦公勳在前明立功塞外專祠在里中本族乾嘉祠廢今新祠重建列公位於東室而以從曾孫光烈公陪祀之祠雖不專廟仍舊貫要以光昭先烈祀之也



一 先中丞光烈公數世神像光緒間得之奚姓厥後公會孫少持叔祖膳養於家歿爲殯於松郡先公之兆公子仲賢叔平亦移葬上澳塘北原是公祀雖斬其流風餘韻音容尙在人間安知非公之靈爽歟永懷若敖敬恭畫像祀可廢乎

一 孝悌仲餘公方山自八字橋善鐘路西遷祠側壤地相接湖山連亘由疎而親自遠及邇仁不忘遠義不遺親篤親念舊尊祖敬宗祀之也

一 乳母之恩等於罔極生我身者二親全我生者乳母我既有生母也無祿鴉饑識哺羊跪知恩生不能報歿而祀之也

一 附祀異姓非禮也同里徐氏古墓向在上澳塘南原今祠建其傍家無主祀墓無守戶嗣斬鬼餒存亡繼絕祀之也

一 三殤不祭古之制也如子女不幸而有夭折年逾十五至十九雖在長殤之列憐其孤獨祭之可也維中下二殤則不祭然近世竟有以三殤子女聯姻匹配送粧迎奩嫁娶如生者一般是爲敗俗傷化無禮之尤者要之童孩非婚娶之時殤女豈待嫁之年男則猶可言也其如女之死而失貞何

一 古不祭墓止有焚黃今焚黃之禮已廢祭墓之儀今世間有行之者維我父子壽域及少子盛杜二孺人墓在祠側可乘祭祠之便於清明日循俗



尙年年祭之不可怠忽以示不忘雞豚追遠之孝思耳


一 祠祭之期清晨先用淨水三盃設供三室焚香跪拜如儀義取古人明水
玄酒之意蓋心存誠敬不忘祖考宜爾也早膳後獻茶三鐘儀如前至已
午則祭春以寒食日秋以十月初一爲期日則板常不可改易此外如夏
至祭伏也冬至臘也物至成熟獻之祖廟薦新也所謂歲時伏臘也其中
元(俗謂做七月半)年除(俗謂做年)二節可祭之於家不必祠也惟仍
以菱藕瓜桃棗栗榛榧之類獻之於祠至新年初一元旦初三十五三日
可供茶點棗栗端午獻以角粽重九薦之糕團循俗尙也祭席廳上設三
棹一棹南向二棹東西橫列如品形西邊一棹另設廳側東向祭品春秋
用八簋五葷三素二至用五簋二素三葷祇以一棹祭之於廳以從簡省



祭祀用素創例也又從儉也儉則可久省費易舉奢必難繼人有嗤以陋者勿聽可也


一 主祭以長房長子夫婦躬親清晨先將祭器洗滌潔淨預爲陳設必恭必敬須用跪拜之禮以迎送我祖勿倣今時之鞠躬以誇新立異重我不孝耳

一 宗族讌會以齒不以爵以德不以年饌則葷素並陳飲則毋過三爵新橋王氏祭祠獨不及婦人雖嚴於男女之分殊欠情理之平蓋以祖宗視之皆爲我羣昭羣穆之婦女安可擯如路人而不念之邪我家擬以女席設於別室或兩廂維不許飲酒所以別於男也



一 子弟每月朔望歲時令節須要祖廟焚香禮拜不可怠忽其有因事遠出亦須告廟跪拜如儀及歸亦如之

一 祭田之置所以奉祭祀逮旅酬序燕毛輔宗廟以永久隆禋祀於弗替一切祭費祠用皆由此出而取給也顧費用雖出諸田而田之出必取之租佃今以至少之田二十畝計算每畝貳千文合總可得四十千文以供祭饗必有贏無絀卽以盈餘添購地畝愈多愈妙單戶可名喬祀田以復乾嘉之舊租值至遲不得過九月不許延宕并不許子孫售賣如有覬覦此田者小則會族長族衆公同罰責大則稟官究辦不許輕縱日後子姓衆多各分門戶須要輪流傳遞如輪某人承當卽將田單交付某人執管如指不肯交者有罰我子若孫宜體此意公正平恕世守而輪祭之毋若葛




伯之放縱不祀方爲我家賢子弟也勉之念之

一 義田爲亢宗贍族之至要至急之第一事懷之卅年力有未逮至今未克
舉辦若待有餘而爲之之期愈遠愈難矣今擬以青邑所購之水田五十
畝小試行之卽以所有贏餘量力分潤貧宗現今祇以此數爲基本再行
逐層推擴義莊義倉義塾賒棺施衣等類凡義之所在一一皆可次第身
體力行勿吝惜怠忘以圖永久俾使族無餓莩凍餒者方可遂我平生志
願也勉之勉之

祠規

不孝不悌不敬不恭言無忠信行無禮讓違仁舍義離道背德悖理蔑倫寡廉



鮮恥具此穢行不許入祠

無子立嫡無嫡立賢繼抱異姓養女招婿夫死再醮妾無子女婢僕倡搗姦拐盜竊其有此行亦不入祠

不孝父母不敬伯叔兄弟不和夫妻反目鴉片嫖賭奸淫酗酒鬪毆纏訟傷敗彝倫

右子弟

不孝翁姑不順夫主姑姊不敬妯娌不和讒諂離間婢妬淫虐不聽教訓不守婦道



右婦女

廳事東壁顏曰

孝悌忠信禮義廉恥

西壁顏曰

敦宗睦族修身齊家

又聯曰

涉世莫虛生必思忠孝節廉克盡數端方可無慚宗祖
人生當自立但使士農工賈各專一業庶幾纔算子孫



先格勗後撰

又

曾孫有道克儉克勤家聲上紹橋山裕後光前武鉞文琴宏作述
先祖是皇以歆以祀廟貌重新滬瀆左昭右穆峯屏仰鏡壯觀瞻

劉志濤撰

神座聯曰

睦族敬宗勿論支派親疎必誠必信
秋嘗春禴但願子孫繼述毋怠毋荒

先格撰



額曰

尊祖敬宗

乙丑仲呂之閏中澣吉日

二十世孫先格勗後識



我喬氏之得姓出自橋山蓋黃帝之後守陵者也橋山在今陝西之中部縣其人有北徙于魯者漢書所列橋屺子庸是也有西徙于塞上史記所列橋姚是

也子庸之後有仁爲大鴻臚玄爲太尉其原則一扈先隨盧芳入胗奴後降漢

爲雲中守計其宗族必有留居胗奴者晉書謂胗奴有四貴族喬居其一

呼延喬蘭當

是扈後劉趙據太原其從臣多喬姓

豫泰兼詩凡十餘

卽所謂貴族特江南則無聞人因六

朝如王謝諸家爲衣冠之壟斷九品官人之法上品無寒門下品無仕族凡草

門微族罕得顯達亦不僅我喬姓爲然唐喬師望以甥館懿親兼立邊功居于

馮翊遂立于望與太尉梁國舊望並稱由是代有名人先後相望焉太尉之氏

作橋而陳球碑卽作喬光武紀于扈作橋而靈芳傳卽作喬是從木不從木在

爾時固已無定至劉趙諸喬則皆去木唐書宰相世系表謂周文帝令其去木

義取高遠殆不然也

詩山有橋松亦作喬見經典釋文

此譜以太尉爲始祖義無不可惟以折衝爲太

尉之孫則未安太尉為梁人折衝為曾奴前部人各見本傳折衝本由曾奴入仕中朝故晉室淪陷仍入曾奴仕于劉趙孫桓王周公瑾所娶二喬即太尉之女居于皖水則太尉之後自梁徙淮其孫安得遽為匈奴人也太尉亡于光

七年距折衝為隆慮令將逾百年中間當不止一傳秦與豫為折衝之子庶為

豫之子于古藉無徵此數人皆見十六國春秋而未言其為某之子也且自庶至師望又二百數十年中間當不止

迪吉一代而迪吉又非六朝人命名之體伯周給事南頓人也希聖侍郎高郵


人也壽明魯國公婺州東陽人也今作為鼻祖雲孫一脉相承亦非事實希聖

侍郎之先人有名疏者譜轉遺之有官太常博士知欽州者其人名叙密州人

字禹功見于蘇詩今作叙彝亦誤矣唐之京尹或得兼御史中丞兼御史大夫

者御史大夫今之都御史御史中丞今之副都御史譜內凝之為京兆少尹兼御史大夫殆無其事續贈開府儀同

三司非宋時官制此外名列仕籍官位差卑者或為史乘所不載從文為兵部




尙書右僕射諡敬承良爲尙書左丞珠爲兵部尙書燧一經熯皆爲殿閣學士
輝爲司農卿兼御史大夫皆尊要之官不應紀載皆闕又仁霸爲蘇老泉之婿
凡蘇黃晁秦米諸家詩文襍記皆未言及亦不可信唐人極重譜學而牽連附
會大抵如此卽顏魯公一代偉人而其家廟碑臚舉前賢不免此病固亦無足
怪者此譜當作于明季于滬上一支定無差舛自宋唐以上尙未精審第以先
世流傳不敢棄去是以經都督公中丞公兩代顯榮而未行鉸木者豈非以其
未能徵信猶有所待邪顧有可貴者歷記各地分支所儻其異地合譜尙有可
遠稽而得所據者則爲功亦大矣徐溝之喬從樂平白岩尙書一支分出卽此
譜所謂伯剛仲賢世居樂平太原者也惜松年家居時少未嘗徧理家譜而統
較之第我喬氏同出一源不似他氏之受姓不同或有賜姓雖支分派別粲然
不殊固亦何煩尋宗支之遠近計世次之先後乃足起其敬宗收族之心也

香 氏 宗 譜
小薌兄以斯譜相示既節錄以備異日家乘之資乃題記歸之


徐溝族人松年敬識

嘉遜公乃元至元大德間人至崇禎凡三百餘年已歷十世又自明末至今二百餘年又歷九世是五百數十年已有十九世譜自漢太尉至元總管(自光武至中統)凡一千數百年只傳三十世恐世次亦疏也



秋亭先生八袞壽叙

蓋聞里美處仁鬱葱佳氣閭標行義鑿隸嘉祥于公治獄識駟門之興大元方
焚稿卜象賢之熾昌鳴陰德于耳中種慧根于身後蒂固者發必厚源遠者流
自長而况川迴水抱之鄉毓秀鍾靈之地南陽草木觸處皆春北海衣冠無美
不備洵乎揚葩吐采生昌字之壽人抉玉披金隸仙家之福籍也已秋亭先生
橋山令望梁國遺賢有楊震之四知得啓期之三樂青燈劬學讀書早澈神明
白璧堅盟守身不踰跬步謝塵氛之插脚目眼雙清盪秋朗兮寄懷冰心一片
由其虛師修竹秀比孤松川嶽助其精英乾坤資其清氣人第見優游杖履嘯
傲林泉安至樂于羲皇作大年之周召不知搯養生之券守道彌眞探造命之
源澡身益潔固非解山中之穀自詡奇方采海上之芝妄傳語錄矣歲在柔兆
律中應鍾當氣和之候協載生之明爲 先生杖朝令典懸弧吉辰時則庭列



香 日 完 詩
蘭枝壺凝菊酒躋堂者稱觴以拜酌斗者撰杖以趨恰成方朔之談諧偷桃薦
菓媿乏南豐之才調執筆歌功然而誼屬旁姻分同小阮敢作寒蟬之咽不爲
春蚓之鳴因推其致福之由原其延麻之理敷陳盛事縱殊張老之謳臚舉曼
詞聊當封人之祝今夫商山四皓歲月方長河上羣仙春秋自富

先生秉冲夸之性擴胞與之懷忘平子之四愁謝方干之一第棊書味雋屏除
熱鬧之場猿鶴踪忙蹠躑釣遊之地眼前花鳥卽是經綸足底烟霞每縈夢寐
無功名之俗念達人必昌有山水之清音仁者多壽可知度量恢宏容物乃能
受物性情和易愛人始善迎人試觀江海瀾漫百川貫注陰陽摩盪萬彙生成
壽翁養氣如春宅心無我披王氏九宗之譜桑梓必恭書張公百忍之圖豚魚
亦格普恩膏于恤任棠陰之時雨常新戢薄俗于囂凌柳下之和風遍拂矧迺
性成孝友身飭紀綱膳潔南陔之蘭夢協西塘之草蓼莪詩就光熒依壁之燈

花萼樓開春煖聯床之被宜其上媿祖宗下蔭後昆伯氏則國學名高仲氏亦
膠庠譽諫堂前賓客彩筆紛題膝下孫曾班衣舞列又復青烏邃學寡過有方
白鳳能文憐才無限道心活潑宅邊之鷄犬皆仙天理流行象外之鳶魚胥化
凡此承先啓後錫類推仁要皆積累之深用獲報施之厚今者丈人星朗太華
峯高祥光滿室和氣盈門呼後輩以登筵命家人而侑酒尊兼齒德依然褒國
鬚眉榮集車旌仍是坡公腰脚張望風雀躍祝嘏鳧趨未能撼筵而歌幸得抽
毫以獻奇書亥字恍陳益壽之圖喜送庚郵替奏長生之曲云爾

梁溪後學瘦鶴詞人鄒弢拜序

汪君廷弼辱貺七古錄其尤佳者後八句云

八旬蔗味回佳境五福箕疇屬老成閎闕家聲看重振堦前蘭桂盡崢嶸

人曰家之慶我羨

國之榮五老游渚熙皞象爲我

皇王慶太平

丙戌孟冬之月

嶺梅爭放白雲巔介壽剛開玳瑁筵樽節光陰過八十遷流世界閱三千
青烏術擅空前輩雛鳳聲清正少年一事思量願難滿香山佳會似前賢
幽居無復俗情羈閒課邠風七月詩骨相清癯同鶴立精神矍鑠頰龐眉
只將耕讀鏤心版贏得鄉閭好口碑蔗境甘回興未艾盈堦蘭桂盡嶽奇

俚句恭祝

秋亭老伯大人 八秩榮慶

小姪張瑗拜草



橋氏受姓本支世系考

考橋氏系出有熊軒皇皇生二子長玄囂囂生極有聖德孝行廬冢橋山而橋之姓氏始此矣極生伊祁帝堯次昌意意子顓頊頊子窮蟬蟬子敬康康子勾望至望子橋牛而橋之別派又衍矣自是而降迭居異地而遷塞上者爲橋姚自北徙魯者曰橋屁子庸而屁之後有玄公者仕漢官太尉始居晉之睢陽望出梁國蓋爲我橋始祖也太尉生羽爲魏任城王相任相生智明仕晉爲折衝將軍折衝生豫仕晉封安昌子安昌生庶爲北魏并州刺史刺史生廸吉仕同朝文林館散騎常侍常侍生師望爲唐駙馬從高帝起義至長安因去木爲喬望出馮翊與梁國舊望並稱駙馬公生三子季曰備爲青兗二州都督都督生樊龍母夫人夢巨蟒據樊而生公爲隴右防禦使防禦公生從文贈太子太師諡曰敬敬生明揚唐四門博士博士公生冲之爲亳州判州判生嵩生戩父子

不樂仕進隱終南少華間戩生凝之太和中第進士爲御史大夫御史公生秀
乾符初擢明經明經公生承運承運生晉中和初擢第爲著作郎郎生慶慶生
蓋臣第進士爲餘姚令令生達達生柏第進士仕知制誥翰林院承旨承旨公
生玘玘生曰純登賢書爲於潛令生倫倫以子執中貴誥封刑部尙書子執中
孫秉彝父子俱以明經第進士一仕刑部侍郎一爲給事中給事公生中徽登
上舍甲科爲福州教授教授公生文記舉孝廉樂道不仕孝廉生和爲監察御
史後爲嘉興路總管子閒居南匯之鶴砂里爲上南諸派始遷之祖子杞孫彥
衡以鴻臚卿顯于元季又自鶴砂徙居海上卒葬小南門城內永興橋左公乃
我滬始遷之祖也鴻臚公生鎮精軒岐術載邑志人以扁盧目之鎮生紀仕濮
州判州判生豫豫生廉而廉生賓號芝山者邑庠不仕始厭城市囂紛樂澁溪
花木水竹之勝築壙於澳浦之陽遂家焉厥後子姓椒聊人以喬里目之賓生

遠遠生潞父子皆爲名諸生噪聲藝林潞生準準生泰孫泰孫生以和以和生
家珍家珍生垂蒞垂蒞生善學善學生行賢畊讀世守不求聞達行賢公生人
和登仕郎仕郎公生廸濬九品銜精景純術而尤邃于河洛之旨生二子長先
格次先楷卽不才舅弟輩也楷補邑庠而余亦濫廁國學格生二子長猷黼次
猷黻楷三子長猷煜次猷焜季猷燦猷黼壬辰之季補武庠而煜黻于乙未之
春同領一矜然終以德薄能鮮爲憾其可喜者我家自太尉以還歷年千餘歷
世五十猗歟盛哉何其綿延奕禩邪然考我喬皆以氏爲族與他族之受姓賜
姓謚姓者有間矣

先格識

Faint vertical text columns, likely bleed-through from the reverse side of the page.



重修東蘆浦墓記

先將軍 忠烈公遼瀋之役沒于王事有衣冠墓在龍花丁家墳左後墓有托山二道前有月形拜臺一方歷年既久棺槨傾頽 今上建元有張地保者老而狡詐諗知墓地荒蕪頓萌貪念凡山之巔墳之麓徧植荻葦菓木之屬不數年而荆榛滿眼桃李成陰不勝泚睨霜露之感屢思修治未遑也歲癸巳冬至日同弟率族人相與登壠剪伐作屏啓辟凡三日而槨之竇者塞露者覆小大高下昭穆秩然計穴凡五其邊西一穴係灰壙而去次穆稍遠揆其大較若非將軍家之婢妾定是三殤之童孩今將灰壙封作三穆都爲一式而東昭別壘土爲空域一顆以符三昭三穆之制也從此瞻拜有方耕犁無虞春秋佳日共指遼海英風分至令辰用潔苾芬孝享聲靈濯濯佳城鬱鬱是余昆李之所忻慕而恭止宜爲者併有以揭夫侵削歲月之崖略如此也是爲記

光緒十九年癸巳冬十二月朔日

澧溪九世裔孫先格謹識



[Faint, illegible text, likely bleed-through from the reverse side of the page]

世家緣起

乾隆二十七年 先中丞光烈公之黔撫任詣蘇州行在請

訓垂詢喬一琦是汝何人公免冠直陳備兵遼瀋據守拉庫崖松杏山諸役以

對復


諭曰這是忠臣各爲其主汝家眞文武世家也煌煌

天語光寵氏族海上舊祠向顏是額壬戌洪楊之亂蘇撫李鴻章駐軍其中額

毀乙丑新祠落成併新斯額以誌

綸音庶免數典忘祖之譏云

二十世孫先格謹識



最樂原始

最樂柿澤爲海上中丞第

光烈公堂額也

光緒中葉第宅易主額委墜地

我弟慎德念先澤之將湮也昇最樂額歸懸之中堂而柿澤則不知棄於何所
維溯最樂肇自前明廢棄于季清然斯堂廢而額棄以棄而復樹其廢興遇合
經數百年輾轉相尋中若有主者是欲使我後人知爲善最樂之足以儲祥餘
慶而勤勉奮興孳孳不懈以求副此名也可不勉乎哉

先格又識

志遷移

去邠踰梁王業早肇于周家徙維都秦婁敬陳言于漢室里名光化宅號親仁
潘岳之居面城晏子之宅近市烏衣巷著風流宛在京隱里昭徜徉斯適故上
自王公都邑邦畿下而士庶閭里鄉邨靡不各有定嚮然則誌之烏可忽諸志
遷移

師望

第七世

遷長安馮翊

承祚

第十七世

遷高平

承方

第十七世

遷太原

承良

第十七世

遷太原

晉臣

第二十世

遷晉絳

商臣

第二十世

遷晉絳

迪

第二十一世

遷洛北

游

第二十一世

遷耀州

世昌

第二十三世

宋南渡後遷太原

獻之

第二十三世

宋南渡後兄弟同遷太原

文激

第二十九世

遷新安

閒

第三十一世

遷南淮鶴砂里

尊

第三十二世

遷高郵寶應

吉

第三十二世

遷高郵寶應

褒

第三十二世

遷高郵寶應

彥衡

第三十三世

遷上海邑治



鎮

第二十四世

遷邑治藥局街

綱

第二十五世

遷南橋鎮

紀

第二十五世

遷北橋鎮

賓

第二十八世

遷法花鎮徐家閣

寵

第二十八世

遷周浦鎮

宣

第二十八世

遷青浦崧澤鎮南千步涇

枝

第四十世

遷太倉州城北竹林庵

之文

第四十二世

遷上海西南梅家街鎮

于飛

第四十三世

遷閔行鎮大寺東一里

珮

第四十四世

遷上海縣署

進明

第四十六世

遷北新涇鎮北街裏



...

...

...

...

...

...

...

...

...

...

...

...

...

...

...

...

...

...

...

...

...

...




墳塋樹石記

租界擴矣榛莽之場一變而爲繁華世界今日之崇樓傑閣昔日之廢塚荒邱也墳裔之動於利而喪心害理自甘遷徙者居其半亦有代遠年湮漫無稽考子孫不加察而先壠爲人所平者鴟鴞之詩所以言綢繆未雨也歲乙未與諸子謀所以保全之策舍樹石界限外別無久遠良法因鳩工庀材不辭勞瘁凡樹墓碑若干處其一在二十八保七圖餘皆在二十八三四等圖惟願後人時時以祖宗爲念勿怠勿忘勿爲利動勿爲勢迫勿以祖宗遠而任令侵削勿以族屬疏而莫之檢飭則祖宗之遺骸不致委棄體魄可以安妥且與貞珉垂不朽矣

光緒廿二年丙申清明日

先
格
識



卷之二

三十三

...

...

...



Main body of faded vertical text, likely bleed-through from the reverse side of the page.

...

一 二十八保東七圖樹石四

喬與平公墓墓凡三穴

喬祖三公墓墓凡三穴

祖三云者穴中失考蓋以三者皆我祖也

喬楚公公墓墓凡一穴

喬蘭太太墓墓凡一穴

以上俱在陳家巷後月湖池

一 二十八保四圖樹石一

喬南臣公墓墓凡三穴

在後宅同善橋南原瀝北浜

一 二十八保三圖樹石二

喬伯祥公墓墓凡三穴

在穿溪浜南原

喬芝山公墓墓凡三穴

在上澳塘南原今遷馬清浜



高之山公...

...

高之山公...

...

一二十八...

高之山公...

...

一二十八...

...

高之山公...

高之山公...

高之山公...

高之山公...

一二十八...



祠墳基址泐石記後

租界日闢畝值萬金盜賣抵押施及邱墳欲圖安全亟預防審我家祖墓前
既立石標誌矣茲恐私售暗抵毀拆翻掘復將祖宗祠宇墳基址號畝在
本客二圖者悉皆立戶做單泐石樹祠永久不許售賣使不肖者知所警惕也
計墳基五區祠基一所區圖號畝并列如下

一 馬清浜墓地名十畝頭在二十八保三圖一千五百十號內


始祖芝山公遷墓計三顆併一顆 南英公遷墓同上

六祖遷墓同上 良士公墓三顆 樹敏公墓二顆

二 玉湖池墓在陳家巷北新溝浜南二十八保東七圖四百六十三號

內

與平公墓三顆 祖三公墓同上 楚婆婆夫墓一顆



喬氏宗譜
蘭太太墓同上

三 木桿橋墓在林肯路穿基浜南二十八保三圖九十三號內
伯祥公墓三顆

四 高封橋墓在東上澳塘北二十八保三圖一千五百十五號內

聖鳴公墓三顆併一 泰山公墓一顆 仲賢昆季墓二顆併一

五 家祠東四畝頭致堂生壙在高封橋東上澳南原二十八保三圖五十一號內

致堂生壙三顆

六 喬氏家祠在高封橋東上澳南原生壙傍西二十八保三圖四十八九二號間



